

08 februari 1981

08 februari 2006



Jos tösse 'zien' modelle

Jos Schuren
25 joar Veurzitter
Fotoclub De Sluiter
Perficiat Jos en hèrtelik bedanktj

Veurig joar höbbe wer al, op oos bescheije meneer, gevierdj det wer 25 joar besjtonge.

Wer haaje toen twieë jubelaris: Jos en Frans.

En noe miense höbbe wer alweer eine jubelaris... Jos, dae 25 joar veurzitter is van oos fotoclub De Sluiter; "Toch net get anges".

Auch Jos is 'net get anges', Joawaal, en det dreugtj der mit plezeer.

Det sjtuitj um good.

Jos dae oos fotoclub in al die joare haetj zeen verangere van ein gewuin braaf klupke toet ein klup die duudelik auch op ein anger meneer bezig waas en is. Jos haetj det altied gesjtimuleerdj en doa enorm vääöl aan biegedrage mit zien eige meneer van fotograferen.

Doa motte en moge wer geröstj dankbaar veur zeen en det zeen wer dus auch.

Wer winse Jos perficiat. Weer zeen dankbaar det wer al die joare zone veurzitter höbbe gehadj en weer hoape det wer hem nog lang moge höbbe es veurzitter en es fotograaf.

En , ut mot gezagdij, zonne veurzitter es weer höbbe haetj neemes. Hae kintj neet allein good veurzitte, mer auch nog ins fotografere en.... vertèlle euver waat der allemoal is gebeurdj... joa det duitj der auch gaer!!!

Foto's en verhoale likke hem aan ut hert. Jos is auch eine miens dae gaer get euver haetj veur eemes anges en neet alles veur zich heltj. Hae *wiltj* neet allein van alles doon veur angere, mer DUITJ det auch. Hae zeurtj doa neet euver, mer duitj gewuin waat hae mentj det der mot doon.

Jos geuftj al 25 joar leiding aan oos fotoclub. Leiding aan ein klup die, zonger Jos, neet waas gewore waat ze noe is. Jos haetj altied oppe bres gesjtange veur zien klup. Doa ging en geitj der veur door ut vuur. Neemes mot hem aan De Sluiter komme, want den sjuutj der vuur. Den weurdj de röstige aardige vent dae der altied is neet om te geneete. Det lieëtj der neet gebeure.

Jos zien liefsjpreuk: "Alles maag en nieks mot", haetj ertoe geleidj det wer noe ein hieël apaarte klup zeen wobiej ut good toeve völtj, en wo eederein zien eige dink kan doon.

En det weer Jos doa biezunjer dankbaar veur zeen maag ein vanzelspraekendjheid zeen. Jos van hiej oet en names de ganse klup nog ins van herte preficiat en bedanktj veur al die geweldige joare.

JOS:

Bedanktj veur al ut geweldige werk waat ze altied höbs gedoan.

Bedanktj veur diene inzet.

Bedanktj veur dien betrokkenheid

Bedanktj veur dien leefdje veur de klup

Bedanktj veur diene kiek op fotografie

Bedanktj veur dien fotografie

Bedanktj veur diene humor

Bedanktj veur al die dinger die ich nog vergaete bön, zoues:

Dich te bedanke veur de geweldige modelle . Doe höbs eine gooie sjmaak.

Bracht 08 februari 2006-02-09 Names de leje en oad leje van:

Fotoclub De Sluiter

"Toch net get anges"